

favorabiliter annuere volentes, ac Reſtores dictarum noviter erectarum Eccleſiarum, necnon Capituli hujusmodi ſingulares perſonas a quibuſvis excommunicationis, ſuſpenſionis, & interdictionis, aliſque Eccleſiaſticis ſententiis, cenſuris, & poenis a jure, vel ab homine, quavis occaſione, vel cauſa la- tis, ſiquibus quomodolibet innodata exi- ſtunt, ad effectum preſentium dumtaxat conſequendum, harum ſerie abſolventes, & abſolutas fore cenſentes, ac ſingularum Gregorii, & Clementis Prædeceſſorum præ- ſentium literarum, necnon taxæ, ac libri ſupra memorati ab ipſo Joanne Patriarcha, & Archiepiſcopo conſecti, & acceptatio- num, ſeu admiſſionum d. taxæ ab ipſo Gre- gorio Prædeceſſore confirmata, prædictos Archiepiſcopum, Capitulum, & Canonicos, ac alios factarum, necnon Inſtrumentorum, ſeu aliorum Documentorum deſuper con- ſectorum tenores, cauſarumque, ac litium præſentium ſtatus, & merita, nominaque, & cognomina Judicum, & colligantium, eorumque, & aliorum quorumcumque con- tradictiones, oppoſitiones, prætextus, & jura, cæteraque neceſſaria, etiam ſpeciali nota digna, præſentibus, perinde ac ſi de verbo ad verbum, nihil penitus omiſſo, inferen- tur, pro expreſſis, & inferis habentes, hujusmodi ſupplicationibus inclinati, cau- ſas, & differentias omnes, & ſingulas præ- ſentibus in eisdem proſtat ſtatu, & terminis, in quibus ad præſens reperuntur, a quibuſ- cumque Judicibus ordinariis, & delegatis, etiam Cauſarum Palatii Apoſtolicæ Audi- toribus, coram quibus forſan pendent, ad Nos harum ſerie advocamus, ipſasque lites, cau- ſas, & differentias, & controverſias penitus, & omnino perpetuo extinguimus, & annul- lamus, partibusque ipſis, & unicuique illarum, cæterisque omnibus, & ſingulis inte- reſſe quomodolibet habentibus, vel præ- tendentibus, quique impoſterum habere, vel prætereſſe quomodocumque poterunt, perpetuum ſuper præmiſſis omnibus, & ſin- gulis ſilentium imponimus. Prætereſſe primo, & ſecundo dictas ipſius Gregorii Præ- deceſſoris literas, ac librum, taxamque me- moratos, à prædicto Johanne Patriarcha, & Archiepiſcopo conſectos, cum omnibus in eis contentis, & diſpoſitis, necnon qual- cumque acceptationes tam ab Archiepiſco- po, & aliis quibuſcumque Eccleſiaſticis, & Laicis, in dicta taxa comprehenſis, quam a Capitulo, & Canonicis cum qualitatibus, pactis, conditionibus, reſervationibus, & proteſtationibus in eis contentis, ut præ- fertur, factas, necnon promiſſionem a Philippo II. Rege dictis Capitulo, & Cano- nicis ſuper remiſſione, & condonatione terminorum taxæ eos tangentis, decurſo- rum, emanatam, juxta quam promiſſio- nem eidem Capitulo, & Canonicis dictos terminos, etiamſi ex diſpoſitione literarum Gregorii Prædeceſſoris præſentium ad uſum fa- bricæ, & ornamentorum Parochialium Eccleſiarum earundem, tunc denuo ere- ctarum applicata, & appropriata eſſent, ac promiſſio, remiſſio, condonatio, & acce-

Lites omnes adhuc motas, vel pendentes extinguit.

Gregoriusque literas, & taxam ab Archiepiſcopo Valeriano præſcriptam conſecrat.

Et que earum vigore geſta ſunt, rata ha- bet.

ptatio præſentibus minus legitime facta fuiſ- ſent, Apoſtolica auctoritate, gratioſe remittimus, & condonamus, ac omnia Inſtrumenta, & documenta deſuper con- ſecta, & inde ſequuta quæcumque, eadem auctoritate, tenore præſentium, perpetuo confirmamus, & approbamus, illiſque perpetuæ, & inviolabilis Apoſtolicæ firmi- tatis robur adjicimus, ac omnes, & ſingu- los tam juris, quam facti, & ſolemnitatum tam de jure communi, quam alias requiſi- tarum, & tam ex eo quod perſone in illis comprehenſe, ſeu alias intereſſe habentes, citatæ, vel alias vocatæ non fuerint, liqui- dationes, aut alios etiam ſubſtantiales defe- ctus, ſi qui deſuper quomodolibet interve- nerint, ſupplemus.

§.12. Prætereſſe ſupradictas Clementis Prædeceſſoris literas per modernum, aut pro tempore exiſtentem noſtrum, & Apo- ſtolicæ Sedis Nuncium ulterius executioni minime demandandas eſſe, ſed binas lite- ras dumtaxat Gregorii Prædeceſſoris hujus- modi, & taxam in illis approbatam, & in dicto libro præſcriptam ab omnibus, & quibuſcumque perſonis tam Eccleſiaſticis, quam laicis, quacumque dignitate, vel ex- cellentia, aut præmiſſione prædiſtis, quas illæ concernunt, ſeu tangunt, firma, tam- en, & illaſa remanente remiſſione, & condonatione terminorum uſque ad Feſtivi- tatem Sancti Joannis Baptiſtæ anni 1597. de- curſorum, Capitulo, & Canonicis prædi- ctis facta, & per Nos, ut præmittitur, ap- probata, ad unguem, & juxta illarum, ac præſentium noſtrarum ſeriem, & tenorem obſervandas eſſe, illaſque pleniffimum ro- bur, & vim obtinuiſſe, & obtinere, ita- ut per literas Clementis Prædeceſſoris hu- juſmodi nihil ipſis Gregorii etiam Præde- ceſſoris literis detractum, nec quidquam ex taxa in illis, & memorato libro præſcri- pta imminutum ſit, aut eſſe cenſeatur, ne- que dictos Capitulum, & Canonicos, aut quoscumque alios in dicta taxa comprehen- ſos, prætextu, ſeu vigore dictarum Cle- mentis Prædeceſſoris literarum, aut ina- qualitatis taxæ, aut quod dicti contribu- entes non fuerint ad liquidationem fruſtuum primitivium, vel decimarium, nec ad ta- xam faciendam legitime citati, aut vocati, aut quod qualibet ex dictis Parochialibus Eccleſiis, quibus contributio ex eadem ta- xa juxta præſcriptum literarum dicti Gre- gorii Prædeceſſoris eſt assignata congrua centum, ac etiam longe ultra centum li- brarum assignationem ex primitiis, aut aliis redditibus hodie habeat, vel impoſterum habere contingat, aut alio quovis quaſito colore, vel cauſa etiam urgente, ſolutio- nem taxæ eos tangentis tam pro terminis decurſis, quam decurrendis ulterius differ- re, vel remorari poſſe, ſed ad prædicto- rum terminorum integram ſolutionem, juxta præſentium tenorem, omnino perpe- tuo teneri, & obligatos fore, ac infraſcri- ptis cenſuris, & poenis cogi, & compelli poſſe, ac debere volumus, ſtatuumus, de- cernimus, & declaramus.

Declarat lau- datas Clemen- tis literas ne- mini poſſe ſuf- fragari.

Ne

Inhibitiones contra præſentium formam non valent, niſi expediantur juxta leges hic præſcriptas.

§.13. Ne autem præſentium Gregorii Prædeceſſoris, & præſentium literarum exequutio aliquarum forſan commiſſio- num, aut inhibitionum prætextu, ſeu vi- gore ulterius retardetur, volumus, & pa- riter declaramus, quacumque commiſſio- nes, & illarum vigore etiam ab ipſis Pala- tii Apoſtolicæ Auditoribus, aut aliis qui- buſcumque Judicibus, Commiſſariis, & Delegatis, etiam Sanctæ Romanæ Eccleſiæ Cardinalibus emanandas inhibitiones, in- fraſcriptos exequentores, eorumque ſubex- equutores, aut ipſarum Parochialium Ec- cleſiarum Rectores, ſeu taxæ hujusmodi Collectores, aut Exactors nullatenus affi- cere, neque illos propterea ab hujusmodi executione impediri, vel retardari poſſe, niſi commiſſiones prædiſtæ in Signatura no- ſtra, vel pro tempore exiſtentis Romani Pontificis, citatis Rectoribus præſentium Eccleſiarum, vel eorum Procuratoribus, ſi in Romana Curia adſint, & quorum intererit, aut intereſſe poterit quomodolibet in futurum, nec non audito Catholici Re- gis Oratore apud Nos, & Apoſtolicam Sedem pro tempore residente, & cauſa cog- nita, præſentiumque noſtrarum, & dicti Gregorii Prædeceſſoris literarum tenoribus ad verbum in illis inferis propoſita, & manu noſtra, ſeu ejuſdem pro tempore exi- ſtentis Romani Pontificis ſubſcripta emana- verint.

Claſula præſentium præſervativa.

§.14. Decernentes præſentes literas, etiam ex eo, quod Capitulum, Canonici, & Beneficiati prædiſti, aut quicumque alii quavis auctoritate fungentes, ſeu officio, honore, vel dignitate tam Eccleſiaſtica, quam mundana pollentes, in præmiſſis ſeu circa ea quomodolibet intereſſe habentes, ſeu habere prætendentes ad hoc vocati, ſeu moniti, & cauſa, vel cauſa, propter quas præmiſſa emanarunt, coram Nobis, ſeu etiam coram Ordinario loci, aut alias quomodolibet examinata, & juſtificata non fuerint, nec præmiſſis conſenſerint, ſeu quibuſvis aliis de cauſis etiam inexcogitatis, de ſubreptionis, vel obreptionis, aut nul- litatis vitio, ſeu intentionis noſtræ, vel quovis alio defectu impugnari, aut ad terminos juris, ſeu gratiæ reduci, vel in jus, aut controverſiam ſub quocumque prætextu, etiam juſto, & rationabili, ſeu alias quomodolibet infringi, vel revocari nullate- nus poſſe, ſed illas ſemper, & perpetuo va- lidas, & efficaces exiſtere, ſuoſque plena- rios, & integros effectus fortiri, & obtine- re, ac ab omnibus inviolabiliter obſervari, nec non ſub quibuſvis ſimilium, vel diſſimi- lium gratiarum revocationibus, limitatio- nibus, ſuſpenſionibus, derogationibus, Can- cellariæ Apoſtolicæ regulis, aut aliis con- trariis diſpoſitionibus a Nobis, vel aliis Romanis Pontificibus Succeſſoribus noſtris, etiam ex quibuſvis, quantumvis juſtiſſimis cauſis, etiam ad Capituli, & Canonicorum, & Beneficiatorum hujusmodi, aut aliorum quorumcumque inſtantiam, intuitum, vel contemplationem, etiam motu proprio, & ex certa ſcientia, ac de Apoſtolicæ poteſta-
Bull. Rom. Tom. V. Par. III.

tis plenitudine, ac etiam conſiſtorialiter, & alias quomodolibet emanatis, & ema- nandis, nullatenus comprehenſas, ſed ſem- per ab illis exceptas, & quoties illæ emana- bunt, toties in priſtinum, & validiſſimum ſtatum reſtitutas, reſoſitas, & plenarie reintegratas, ac de novo etiam ſub poſteriori data per Rectores de novo erectarum Pa- rochialium Eccleſiarum hujusmodi, vel eos, quorum pro tempore quomodoli- bet intererit, ſeu intereſſe poterit eligenda, conſeſſas eſſe cenſeri; Sicque per quoscum- que Judices, & Commiſſarios quavis au- thoritate fungentes, etiam cauſarum Pala- tii Apoſtolicæ Auditores prædiſtos, ac San- ctæ Romanæ Eccleſiæ Cardinales, ſublata eis, & eorum cuilibet quavis aliter judican- di, & interpretandi facultate, & auctori- tate, ubique, & in quacumque inſtantia ju- dicari, & deſiniri debere, nec non irritum, & inane, quid quid ſecus ſuper his a quo- quam, quavis auctoritate, ſcienter, vel ignoranter contigerit attentari.

Exequutores deſignati.

§.15. Quocirca Venerabilibus Fratri- bus modernis, & pro tempore exiſtentibus Archiepiſcopo Valentinæ, & Epicoſo Se- gobrienſi, ac dilectis filiis cauſarum Cur- iæ Cameræ Apoſtolicæ generali Auditori, ac noſtro, & dictæ Sedis in Regnis Hiſpa- niarum hujusmodi Nuncio, per præſentes mandamus, quatenus ipſi, vel duo, aut unus eorum per ſe, vel alium, ſeu alios ubi, quando, & quoties opus fuerit, ſeu quoties pro parte Rectorum Parochialium Eccleſiarum noviter erectarum hujusmodi, aut eorum Collectoris, vel alicujus eorum fuerint requiſiti, faciant, auctoritate no- ſtra præſentes, & dicti Gregorii Prædeceſ- ſoris literas, ac in eis contenta quæcum- que ab omnibus, quos illa concernunt, in futurum inviolabiliter obſervari, ac debita executioni demandari: nec non taxas in illis, & prædiſto libro contentas, illarumque terminos decurſos, & decurren- dos, non tamen, ut præfertur, remiſſos, & dictis Capitulo, & Canonicis, ut præfer- tur, condonatos, exigi, illoſque dictis Pa- rochialibus, & earum Rectoribus, quibus reſpectively debentur, realiter, & cum effe- ctu perſolvi curent, & faciant: non per- mittentes eos, vel eorum quemlibet deſu- per a quoquam, quavis auctoritate, quomo- dolibet indebite moleſtari, aut perturbari, & ipſos taxarum earundem debitores, quo- ad laicos videlicet, etiam per privationem decimarum, & primitiarum, quas perci- piunt, & ulterius tam quoad ipſos, quam quoad alios Contradiſtores quoslibet, & rebelles, ac præmiſſis non parentes, eiſque auxilium, conſilium, vel favorem publi- ce, vel occulte, directe, ſeu indirecte quomodolibet præſtantes, per ſententias, cenſuras, & poenas Eccleſiaſticas, juxta tenorem dictarum literarum ejuſdem Gre- gorii Prædeceſſoris, nec non alia opportu- na juris, & facti remedia, omni, & qua- cumque appellatione poſtpoſita, atque re- mota, compellendo, ac legitimis ſuper his habendis, ſervatis proceſſibus, illos,
B b ſen-

Contrariarum derogatio.

sententias, censuras, & penas prædictas incurrisse, & in illas incidisse declarando, ac etiam iteratis vicibus aggravando, invocato etiam ad hoc, si opus fuerit, brachii secularis auxilio.

§.15. Non obstantibus literis Clementis Prædecessoris prædicti, aliisque præmissis, nec non rec. mem. Bonifacii Papæ VIII. similiter Prædecessoris nostri de una, & Concilii generalis edita de duabus dietis, dummodo ultra tres dietas aliquis extra suam Civitatem, vel Diocesim, vigore earumdem præsentium ad iudicium non trahatur, ac Lateranen. Concilii novissime celebrati, uniones perpetuas, nisi in casibus a jure permissis fieri prohibentis, ac nostra revocatoria unionum effectum non fortitarum, & de non tollendo jure quæsito, ac de unionibus committendis ad partes, vocatis quorum interest, & exprimendo vero valore tam Beneficii uniendi, quam illius, cui uni-ri petitur, ac de supplendis defectibus in specie, & non in genere, nec non præstando consensu in pensionibus, aliisque regulis, seu Constitutionibus Cancellariæ Apostolicæ, privilegiis quoque, indultis, & literis Apostolicis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis in genere, vel in specie, etiam motu, scientia, & potestatis plenitudine similibus, & confessorialiter, ac alias in contrarium quomodolibet concessis, approbatis, & innovatis. Quibus omnibus, & singulis, etiam si de illis, illorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda foret, illorum tenores, ac si de verbo ad verbum, nihil penitus omisso, ac forma in illis tradita observata, inserti forent, præsentibus pro plene, & sufficienter expressis, & insertis habentes, illis alias in suo robore permanentibus, hac vice dumtaxat, harum serie, specialiter, & expresse derogamus, ac omnibus illis, quæ dictus Gregorius Prædecessor voluit non obitare, contrariis quibuscumque. Aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint, per literas Apostolicas, non facientes plenam, & expressam, ac de verbo ad verbum de indulto hujusmodi mentionem.

Contra non solventes exequutio super eorum Præbendis facienda.

§.16. Volumus autem, quod pro exatione terminorum, juxta taxam in memorato libro contentam, a supradicto Festo Sancti Joannis Baptistæ anni 1597. inclusive, usque ad datam præsentium decursorum, & hætenus non solutorum, ac per prædictos Capitulum, seu Canonicos Ecclesiæ Valentin. debitorum contra singulares personas Canonicatus, & Præbendas in dicta Ecclesia obtinentes, pro rata temporis, quo possessionem Canonicatum, ac Præbendarum adeptæ fuerint, non autem

contra Mensam Capitularem, vel alias Massas communes, pro reliquo vero tempore, contra eorum in Canonicatibus, & Præbendis Prædecessores, five Prædecessorum hæredes, & bona, exequutio fiat.

§.17. Quodque præsentium exemplis etiam impressis, manu Notarii publici subscriptis, & sigillo alicujus personæ in dignitate Ecclesiastica constitutæ munitis, eadem prorsus fides adhibeatur in iudicio, & extra, quæ ipsis præsentibus adhiberetur, si forent exhibitæ, vel ostensæ.

Datum Romæ apud Sanctum Petrum sub Annulo Piscatoris die 6. Martii 1606., Pontificatus nostri Anno I.

Fides danda transumptis.

Dat. die 6. Martii 1606. An.I.

XXX.

Confirmatio reductionis Monachorum Sancti Basilii in unam Congregationem, & approbatio gratiarum, & privilegiorum eidem Ordini concessorum.

PAULUS PAPA V.

Ad perpetuam rei memoriam.

Injuncti Nobis Apostolici muneris ratio postulat, ut sacrarum Religionum in militanti Ecclesia suaves in Domino fructus præstantium, paternam curam gerentes, ea quæ a Romanis Pontificibus Prædecessoribus Nostris concessa sunt, quo validius perpetuo subsistant, Apostolica confirmationis robore libenter communiemus.

§.1. Cum itaque, sicut accepimus, fel. rec. Gregorius Papa XIII. Prædecessor Noster, animadvertens Ordinem Sancti Basilii, ceteros omnes Regulares antiquitate præcedere, ac ex eo Dei Ecclesiam, Christianamque Rempublicam ab ipsius Ordinis initio uberes fructus recepisse, ut dicti Ordinis Monaci commodius altissimo famulari, regularemque observantiam servare possent; per quandam suam perpetuo validitatem Constitutionem eos in unam Congregationem redegit.

§.2. Nonnullaque privilegia, gratias, & immunitates, illasque præcipue, quibus Congregatio Cassinensis, illiusque Monaci potiuntur, & gaudent, dictæ Congregationi sic erectæ concessit.

§.3. Cui etiam Congregationi Monasteria omnia dicti Ordinis, ubique existentia perpetuo univit, & donec Monasteria ipsa in commendam manerent, mandavit ut mensa Conventualis in tot bonis stabilibus, pro victu, & vestitu, ac visitatione Monachorum, aliisque necessariis expensis, ad quæ Commendatarii juxta Canonicas sanctiones, ac præsertim tenore literarum Eugenii Papæ IV. similiter Prædecessoris nostri tenentur, perpetuo separarentur.

§.4. Cumque separationibus hujusmodi tunc minime perfectis ejusdem Gregorii superveniente obitu, Sixtus V. præ mem. ad summi Apostolatus apicem assumptus fuisset, idem Sixtus Bruto Farneto per alias suas

Exordium.

Antiquitatem hujus Religionis recenset hic Pontifex a Consi. Greg. XIII.

Idem Greg. concessit eidem privilegia Congreg. Cassinens. ut ibidem.

Mensisque Monachibus bona stabilia assignari iussit ibidem, & mensam Conventualem, & Abbatialem separavit.

Sixtus V. commisit Bruto Farneto, ut perfecteret separationem prædictam.

Clem. VIII. Theodorum Abbatem constituit exequutorum d. separationis.

Hic modo Pontifex confirmat ejusmodi separationes.

Confirmat etiam privilegia per Gregor. XIII., Sixtum V., & Clem. VIII. concessa.

Annulatque quid fuerit factum contra dictas literas Apostolicas.

suas literas dedit in mandatis, ut in illis Monasteriis, in quibus separationes factæ, ut præfertur, minime fuerant, Constitutionem Gregorii exequeretur, mensasque separatas revideret.

§.5. Verum cum ipse Brutus, præmissa totaliter adimplere minime potuisset, ipso etiam, ac successive d. Sixto Pontifice vita functo, Clemens VIII. rec. me. volens, ut tam pium, necessariumque opus omnino fortiretur effectum, eandem facultatem dilecto filio Theodoro de Savoca ipsius Ordinis Abbati Generali per alias literas dedit, prout in omnibus dictis literis plenius continetur. Qui Theodorus divina favente clementia plures separationes fecit, factaque etiam juxta sibi tributam facultatem revidit.

§.6. Nos quieti, & perpetuæ tranquillitati, ac Religionis, ipsiusque Theodori Abbatis Generalis, & Monachorum indemnitati consulere, eosque specialibus favoribus, & gratiis prosequi volentes, & eorum quemlibet a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, motu proprio, non ad Theodori, seu Monachorum, vel alicujus alterius super hoc Nobis oblata petitionis instantiam, sed ex certa scientia nostra, ac de Apostolica potestatis plenitudine, ex voto Venerabilium Fratrum Nostrorum S.R.E. Cardinalium super consultationibus, & negociis Episcoporum, & Regularium deputatorum, prædictas Prædecessorum Nostrorum literas, ac separationes prædictas, tam Bruti, & Theodori, ac quorumvis aliorum in vim literarum prædictarum factas cum omnibus inde sequutis;

§.7. Ac prædicta omnia privilegia cum omnibus, & singulis in eis contentis clausulis, decretis, & declarationibus, quarum tenores, ac si de verbo ad verbum infererentur, præsentibus pro sufficienter expressis haberi volumus, Apostolica auctoritate tenore præsentium perpetuo confirmamus, & approbamus, illisque perpetuæ, & inviolabilis Apostolicæ firmitatis robur adjicimus; ac omnes, & singulos, tam juris, quam facti, & solemnitate etiam de jure necessariarum, vel alias quomodolibet requisitarum, forsitan omiffarum, & alios defectus (si qui intervenerint in eisdem) supplemus, illasque, & illa Ordini prædicto, illiusque Abbati Generali, Abbatibus, Prioribus, aliisque Superioribus, & Fratribus suffragari, eosque universos, & singulos illis frui, uti, & gaudere, ubi, quando, & quoties opus fuerit, posse, & debere, in omnibus, & per omnia.

§.8. Sicque per quoscumque Judices, & Commissarios quavis auctoritate fungentes, ac causarum Palatii Apostolici Auditores, & S.R.E. Cardinales iudicari, & de Bull. Rom. Tom. V. Par. III.

Exequutores hujus Const. deputat.

Clausulas derogatorias apponit.

Fidem transumptis, tribuit.

Dat. die 17. Martii 1606. An.I.

finiri debere, ac irritum, & inane, quidquid secus super his a quoquam quavis auctoritate scienter, vel ignoranter contigerit attentari.

§.9. Quocirca dilectis filiis Curia causarum Camera Apostolicæ generali Auditori, & Apostol. Sedis Delegatis, & Nunciis per præsentem committimus, & mandamus, quatenus ipsi, vel duo, aut unus eorum, per se, vel alium, seu alios faciant auctoritate nostra præsentem literas, & in eis contenta quæcumque, eorum effectum fortiri, illisque omnes, quos concernunt pacifice frui, & gaudere; non permittentes quempiam desuper contra præsentium tenorem per quoscumque quomodolibet indebite molestari; Contradictores quoslibet, & rebelles per censuras, & penas ecclesiasticas, & alia opportuna juris, & facti remedia (appellatione quacumque postposita) compescendo, invocato etiam ad hoc, si opus fuerit, auxilio brachii secularis.

§.10. Non obstantibus præmissis, ac pia mem. Bonifacii Papæ VIII. Prædecessoris Nostri de una, & in Concilio Generali edita de duabus dietis, dummodo ultra tres dietas aliquis auctoritate præsentium ad iudicium non trahatur, aliisque Constitutionibus, & Ordinationibus Apostolicis, ac ejusdem Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eidem Ordini, illiusque Abbati Generali, seu Abbatibus, & Prioribus, aliisque Superioribus, & Rectoribus, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis in genere, vel in specie, ac alias in contrarium quomodolibet concessis, confirmatis, & approbatis. Quibus omnibus, & singulis, etiam si de illis, eorumque totis tenoribus specialis, expressa, vel individua, ac de verbo ad verbum, non autem per clausulas generales idem importantes, mentio, seu quævis alia expressio habenda esset, tenores hujusmodi, ac si de verbo ad verbum infererentur, præsentibus pro expressis habentes, illis alias in suo robore permanentibus, hac vice dumtaxat specialiter, & expresse derogamus, contrariis quibuscumque: aut si aliquibus communiter, vel divisim ab Apostolica sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

§.11. Volumus autem, ut præsentium transumptis, etiam impressis, manu alicujus Notarii publici subscriptis, & sigillo personæ in dignitate ecclesiastica constitutæ munitis, eadem prorsus fides adhibeatur, quæ ipsis præsentibus adhiberetur, si forent exhibitæ, vel ostensæ.

Datum Romæ apud Sanctum Petrum sub Annulo Piscatoris, die 17. Martii 1606. Pont. nostri Anno II

Ex Regest. in
Secret. Brev.

Legato Avenionen., ejusque Vice-Legato conceditur facultas confirmandi transactionem super Bullo Regio in pannis sericis, qui in Civitate Avenionensi conficiuntur, & per Gallia Regnum transvehuntur, apponendo.

Dilecto Filio nostro Cynthio itali Sancti Petri ad Vincula Presbytero Cardinali Sancti Georgii nuncupato moderno, & pro tempore existenti nostro, & Apostolicae Sedis in Civitate Avenionen., & Comitatu nostris Venayssino de latere Legato, ac ejus Vice-Legato.

PAULUS PAPA V.

Dilecte fili noster salutem, & Apostolicam benedictionem.

Clem. VIII. transactionis, de qua in rubrica, confirmationem singulis triennii a Sede Apostolica petendam voluit.

§.1. Expositum Nobis nuper fuit, pro parte dilectorum filiorum Consulum, & Consilii Civitatis nostrae Avenionensis per dilectos filios Franciscum de Berton, Scutiferum de Criglion Christianissimi Franciae Regis Cubicularium, & Laurentium Joannis U.J.D., & Legationis Avenionen. Secretarium eorum apud Nos Oratores, quod cum fel. rec. Clemens Papa Octavus Praedecessor noster novissime per ejus in forma Brevis literas sub data die 14. Julii 1604. Pontificatus sui Anno XIII. expeditas quamdam transactionem inter dictos Consules, & Consilium ex una, & Redemptorem, seu Appaltorem Regium Regni Franciae ex altera partibus initam super Signo, seu Bullo Regio in pannis sericis, qui in Civitate Avenionen. conficiuntur, & per Gallia Regnum transmittuntur, apponendo, cum interventu ejusdem Clementis Praedecessoris in dicta Civitate Vice-Legati initam, Apostolica auctoritate confirmaverit, & approbaverit, sed inter alia voluerit, & ordinaverit, ut praedictae transactionis, & aliarum similium confirmatio, ab ipso Praedecessore, ejusque Successoribus Romanis Pontificibus per dictos Consules, & Communitatem Avenionen. de triennio in triennium peteretur, ita quod si elapso triennio hujusmodi absque nova confirmatione, jura praedicti Bulli exigerentur, tales exigentes, & Consilium ejusdem Civitatis in poenam scutor. 10000. auri Camerae Apostolicae applicandorum ipso facto incurrerent, prout in dictis literis plenius continetur.

Consules, & Communitas Avenionen. hoc sibi incommodum esse asserunt.

§.2. Cumque dictis Consilio, & Communitati valde incommodum, & dispendiosum futurum sit, singulo triennio ad Romanum Pontificem, & Apostolicam Sedem pro hujusmodi confirmatione obtinenda transmittere; Propterea Nobis eorundem Consilii, & Communitatis nomine humiliter supplicatum fuit, ut in praemissis opportune providere de benignitate Apostolica dignaremur.

§.3. Nos eorundem Consulum, &

Communitatis commodis, quantum cum Domino possumus, prospicere cupientes, illisque specialibus favoribus, & gratis prosequi volentes, & eorum singulos a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existunt, ad effectum praesentium dumtaxat consequendum harum serie absolventes, & absolutos fore censentes, hujusmodi supplicationibus inclinati tibi Nostro, & Apostolicae Sedis nomine, transactionem praedictam singulo triennio ad petitionem Consulum, & Communitatis praedictorum Apostolica auctoritate cum praesentium literarum insertionem, & non alias confirmandi, & approbandi; ita tamen, ut nisi ipsi Consules, & Communitas hujusmodi confirmationem petierint, in poenam praedictam tam ipsi, quam jura Bulli praedicti deinceps exigentes, incurrant, eadem Apostolica auctoritate tenore praesentium facultatem concedimus, & imperitur.

§.4. Non obstantibus voluntate dicti Clementis Praedecessoris, ac Constitutionibus, & Ordinationibus Apostolicis, ceterisque contrariis quibuscumque.

Datum Romae apud Sanctum Petrum sub Annulo Piscatoris die 1. Aprilis 1606. Pontificatus nostri Anno I.

Paulus eandem confirmationem legato committit.

Dat. die 1. Aprilis 1606. An.I.

XXXII.

Avenionensibus restituitur facultas locandi piscationem in Flumine Rhodano ab omni onere immunis.

Ex Regest. in Secret. Brev.

Dilectis Filiis Consulibus, ac Communitati, & hominibus Civitatis nostrae Avenionen.

PAULUS PAPA QUINTUS

Dilecti Filii salutem, & Apostolicam benedictionem.

Vestra singularis in Nos, & Apostolicam Sedem fides, & devotio promeretur, ut illa vobis concedamus, quae vestris commoditatibus fore conspicimus opportuna.

Exordium.

§.1. Cum itaque, sicut pro parte vestra inter alia exposuerunt dilecti filii Franciscus de Berton Scutifer de Criglion Christianissimi Franciae Regis Cubicularius, & Laurentius Joannis U.J.D., & Legationis Avenionensis Secretarius vestri ad praestandum Nobis nomine vestro obedientiam destinati Oratores, fel. record. Clemens Papa VIII. Praedecessor noster ejus, & Apostolicae Sedis tunc existenti in Civitate Avenionen. Vice-Legato commiserit, ut vobis auctoritatem locandi piscationem Piscium Capporum nuncupatorum in flumine Rhodani, quam, ut asserabatis, pridem habebatis, sed tunc novissime idem Vice-Legatus in favorem Camerae Apostolicae locaverat, restitueret, quatenus tamen eadem Camera

Clemens VII. facultatem, de qua in rubrica concesserat Communitati Avenionensi dummodo Camera Apostolica reddita, quem percipiebat, non amitteret.

Paulus eandem liberam reddidit ab omni onere.

ra redditum annum xii. scutorum exinde non amitteret.

§.2. Cumque iidem Oratores Nobis nomine vestro supplicaverint, ut ex nostra liberalitate concedere velimus, quod in posterum vos possitis integre tota piscium praedictorum piscatione frui. Nos propterea vobis consulere, ac vos amplioribus favoribus, & gratis prosequi volentes, & quemlibet vestrum a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existitis, ad effectum praesentium dumtaxat consequendum, harum serie absolventes, & absolutos fore censentes, supplicationibus per dictos Oratores Nobis super hoc humiliter porrectis inclinatis, & gratiam praedictam ampliantes, & extendentes, vobis absque ulla reservatione liberam facultatem, & auctoritatem piscationem praedictorum piscium imposterum locandi, & dislocandi auctoritate Apostolica tenore praesentium restitimus, & reintegramus, & quatenus opus sit, illam de novo vobis concedimus.

Contraria tollit.

§.3. Non obstantibus praedicti Clementis Praedecessoris, & quibusvis aliis Constitutionibus, & Ordinationibus Apostolicis, ac Camerae nostrae Apostolicae, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & approbatis. Quibus omnibus, & singulis, eorum tenores praesentibus pro expressis habentes, hac vice dumtaxat specialiter, & expresse derogamus, ceterisque contrariis quibuscumque.

Dat. die 3. Aprilis 1606. An.I.

Datum Romae apud Sanctum Petrum sub Annulo Piscatoris die 3. Aprilis 1606. Pontificatus nostri Anno I.

XXXIII.

Privilegia Curialium, Incolarum Urbis, & Civium Romanorum, in ipsa Urbe, & intra decem miliaria (non tamen extra residentiam) decedentium, quo ad dispositionem, & successionem suorum bonorum ibidem existentium.

Quoad hujusmodi privilegia, habemus etiam Sixti IV. Constit. IX. Et si universis To III. Part. III. fol. 144., & Julii III. Constit. V. Cupientes Tom. IV. Par. I. fol. 255., ac Pii IV. Constit. XXVIII. Decens Tom. IV. Par. II. fol. 58., & signanter quoad adificantes in Burgo Pio Urbis, extat alia ejusdem Pii Constit. CXIX. Romanum ibidem fol. 244.

PAULUS PAPA V.

Ad perpetuam rei memoriam.

Causa hujus declarationis.

IN eminenti Apostolicae dignitatis specula, meritis licet imparibus, superna di-

spositione constituti, inter ceteras curas, quae ex injuncto Nobis Apostolicae servitutis officio incumbunt, illa praecipua est, ut Alma Urbs nostra beatorum Petri, & Pauli Apostolorum martyrio consecrata, ad quam omnes Christianifideles ex universis Mundi partibus tamquam ad communem patriam, & portum cunctarum gentium, & nationum, atque adeo ad Magistram veritatis, & Religionis conflunt, iis demum gratiis, & privilegiis exornetur, per quae omnes, qui ad eam undique veniunt, illamque incolunt, nunc, ac perpetuis futuris temporibus sine ulla animi molestia in illa stare, & permanere, & Romanae Ecclesiae, Sedique Apostolicae adjuvamento esse possint.

§.1. Ac animadvertentes alias fel. rec. Sixtus IV., Julius III., & Pius IV. indicati in rubrica, inducunt Curialibus concesserunt.

§.2. Volentesque Nos, qui in eadem Urbe nati sumus, Curialium, & Incolarum praedictorum indemnitati, & tranquillitati consulere, ac tam eos, quam Romanos Civis originarios pari favoris, & gratiae praerogativa prosequi, eorundem Praedecessorum vestigiis inherendo, motu proprio, & ex certa scientia, matura deliberatione, & mera liberalitate nostris, deque Apostolicae Nobis attributae potestatis plenitudine, hac nostra perpetuo valitura Constitutione statuimus, decernimus, & declaramus, quod posthac perpetuis futuris temporibus, omnes, & singuli Romanam Curiam sequentes, seu ipsam Urbem incolentes, necnon ipsi Romani Cives originarii nunc, & pro tempore existentes etiam Clerici, & in sacris, etiam Presbyteratus ordinibus constituti, ceteraque omnes, & quaecumque aliae personae Ecclesiasticae cujuscumque status, gradus, ordinis, & conditionis, etiam Abbatiali, Episcopali, Archiepiscopali, Patriarchali, & etiam majori, & quavis alia Ecclesiastica, vel mandana dignitate fulgentes, & quaecumque beneficia Ecclesiastica, secularia, & quorumvis Ordinum, regularia, aut alias quomodolibet qualificata, & speciali nota digna obtinentes, necnon quascumque pensiones annuas super quarumvis mensurarum Patriarchalium, Archiepiscopali, Episcopatum, Abbatialium, ac Dignitatum, Canonicatum, & aliorum Beneficiorum Ecclesiasticorum, ut praefertur, vel alias quomodolibet qualificatorum fructibus, redditibus, & proventibus, aut ipsos fructus, redditus, & proventus loco pensionum annuarum sibi Apostoli-

Sixtus IV., Julius III., & Pius IV. indicati in rubrica, inducunt Curialibus concesserunt.

Privilegia, de quibus in rubrica, eisdem confirmantur.

stolica auctoritate quomodolibet reservatas, & assignatas, ac reservatos, & assignatos habentes, & obtinentes, qui in d. Urbe, vel ejus districtu intra decem milliaria ab ipsa Urbe (non tamen extra debitam residentiam) decesserint, de omnibus suis bonis mobilibus, & immobilibus, ac fementibus, juribus, & actionibus quibuscumque, necnon jocalibus, & pecuniis, ac rebus aliis in dicta Urbe, & ejus districtu intra decem milliaria hujusmodi consistentibus, & seu existentibus, ac etiam provenientibus ex quibuscumque fructibus, redditibus, & proventibus, ac juribus, obventionibus, & emolumentis etiam decimalibus dictarum Ecclesiarum, & beneficiorum, ut praefertur quomodolibet qualificatorum, quae in titulum, vel commendam, aut administrationem, vel alias quomodolibet, etiam ex quibusvis concessionibus, & dispensationibus Apostolicis obtinent, & seu antea obtinuerunt, vel imposterum obtinebunt, necnon etiam ex quibusvis fructibus, redditibus, proventibus, juribus, obventionibus, & emolumentis Ecclesiasticis, atque pensionibus annuis super similibus fructibus, redditibus, & proventibus, ac etiam distributionibus quotidianis sibi reservatis, concessis, constitutis, & assignatis, necnon ex emolumentis quorumcumque Romanae Curiae officiorum, etiam administrationem habentium, & Locorum Montium, vel censuum, ac alias provenient, quae ipsi pro tempore habuerunt, & obtinuerunt, ac habent, & obtinent, habebuntque, & obtinebunt in futurum, cum quocumque qualitate, quantitate, & summa, ac pretii, & valoris existant, per eos, & eorum quemlibet acquisitis, & acquirendis, & in eadem Urbe, & in illius districtu infra decem milliaria, ut supra consistentibus, disponere, & tam donatione inter vivos, vel causa mortis, seu testamento, legato, & fideicommissio, quam alia quavis dispositione inter vivos, seu ultima voluntate in favorem consanguineorum, & affinium suorum, Collegiorumque, Universitatum, & Locorum Piorum, ac quarumvis aliarum personarum etiam penitus extraneorum, disponere, & ordinare, ac in eisdem rebus, & bonis consanguineos, & affines, Collegia, & Universitates, ac loca, & personas praefatas, haeredes universales, vel particulares pro eorum libito voluntatis facere, de illisque libere, & sicut pro libito voluntatis disponere possint, & valeant plenam, & liberam eis, & cuilibet eorum licentiam, & facultatem omnimodam concedimus, & impertimur.

Quid ad illegitimos spectat, si personae Ecclesiae de eis disponant.

§.3. Declarantes, quod si contingat dictos Clericos, & alias Ecclesiasticas personas praefatas disponere de ipsorum bonis in favorem illegitimorum [non tamen ex eorum proprio corpore procreatorum] tunc, & eo casu quoad bona, & jura, & alias res ipsorum disponentium mere patrimonialia, & laicalia in dicta Urbe, & illius districtu, ut supra consistentia, nec Camera, nec ipsi illegitimi in illis ullo modo succedant, sed

ad venientes ab intestato juxta juris dispositionem spectent, & pertineant, quavis alia Constitutione forsan contrarium disponente non obstante.

§.4. Praeterea motu, scientia, & potestate similibus decernimus, & ordinamus, quod si dicti Curiales, seu Incolae Urbis, Romanique Cives originarii, aliique praedicti in Urbe, & districtu praedictis, (non tamen extra eorum debitam residentiam) ab intestato decesserint, eorum bona, pecunia, jocalia, jura, actiones, & res hujusmodi etiam ex bonis, & redditibus Ecclesiasticis supra dictis provenientia, per eos, ut supra acquisita in dicta Urbe, & ejus districtu intra decem milliaria, ut praefertur consistentia ad eorum haeredes ab intestato venientes libere deveniant, nec illa ad Romanum Pontificem, aut Sedem, & Camera Apostolicam spectare, & pertinere, dici, vel praetendi possit, minusque Ministri, vel Agentes dictae Camerae, etiam sub praetextu, quod dicti haeredes in Urbe non reperiantur, dictorum bonorum possessionem apprehendere, vel sequestrare, ut de illis inventaria conficere, aut in illis quovis modo se intromittere valeant.

Curialibus, Incolis, & Civibus eisdem in Urbe, & infra x. milliaria, non tamen extra debitam residentiam, decedentibus haeredes ab intestato succedunt, in eorum bonis ibi existentibus.

§.5. Districtius inhibentes modernis, & pro tempore existentibus S. R. E. Camerae, & dictae Camerae generalibus Thesaurario, Commissario, necnon Praesidentibus, Clericis nunc, & pro tempore existentibus omnibusque, & singulis spoliatorum, & jurium Camerae Apostolicae Collectoribus, vel Sub Collectoribus, ac aliis Ministris quocumque nomine nuncupatis, ne haeredes, & successores quoscumque etiam ab intestato dictorum Curialium, ac Incolarum, & Civium Romanorum in Urbe, ac illius districtu praefato, pro tempore decedentium super praedictis bonis, pecuniis, jocalibus, juribus, actionibus, & rebus quibuscumque per dictos Curiales, Incolas, Romanosque Cives originarios pro tempore in Urbe praedicta, & infra illius districtum hujusmodi decedent., ut praefertur acquisitis, contra praesentium nostrarum literarum formam, etiam sub praetextu, seu causa illicita negotiationis molestante, perturbare, inquietare, & se in haereditatibus, & bonis praefatis quovis modo immiscere, aut illa petere, seu sibi, aut Camerae praefatae vindicare, seu de illis Inventarium conficere audeant, seu praesumant.

Clausulae pro huiusmodi concessionis firmitate.

§.6. Decernentes sic nostrae mentis, & incommutabilis voluntatis existere, ac ita, & non aliter per Camerarium, Thesaurarium, Commissarium, Praesidentes, & Clericos praefatos, ac alios quoscumque Judices ordinarios, & delegatos, etiam causarum Palatii Apostolici Auditores, ac Sanctae Romanae Ecclesiae Cardinales quavis auctoritate fungentes, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiri debere, ac irritum proflus, nullum, & inane, quidquid fecus super his a quoquam quavis auctoritate, scienter, vel ignoranter contigerit attentari.

Sublata omnibus aliter judicandi potestate.

Non

Derogatio contrarium

§.7. Non obstantibus Constitutionibus, & Ordinationibus Apostolicis, necnon Camerae praefatae, & Ecclesiarum, in quibus dicta beneficia forsan fuerint, aut Monasteriorum, & Ordinum, quorum illa extiterint, etiam juramento, confirmatione Apostolica, vel quavis firmitate alia roboratis statutis, & consuetudinibus, necnon privilegiis, concessionibus, indulgentiis, & literis Apostolicis, illis, necnon Camerario, Thesaurario, Commissario, Camerae praesidentibus, & Clericis, aliisque praedictis, sub quibuscumque tenoribus, & formis, ac cum quibusvis derogatoriis derogatoriis, aliisque efficacioribus, & insolitis clausulis, ac irritantibus, & aliis decretis per quoscumque Romanos Pontifices, etiam Praedecessores Nostros in genere, vel in specie, etiam motu, scientia, & Apostolicae potestatis plenitudine similibus, aut alias quomodolibet etiam consistorialiter concessis, & approbatis, ac innovatis. Quibus omnibus, & singulis, etiam si de illis, eorumque totis tenoribus, specialis, specifica, & ad verbum expressa mentio, seu quavis alia expressio habenda, aut aliqua alia ex qua forma ad hoc servanda foret, tenores hujusmodi, ac si de verbo ad verbum infererentur, praesentibus pro sufficienter expressis habentes ad effectum praesentium, illis alias in suo robore permanens, hac vice dumtaxat specialiter, & expresse derogamus, ac suos effectus adversus declarationem, voluntatem, statutum, & ordinem nostras hujusmodi fortiri, aut vindicare, non posse, neque debere volumus, & decernimus, ceterisque contrariis quibuscumque.

Transumptio fides.

§.8. Ceterum quia difficile foret, praesentes nostras literas ad singula quaeque loca deferri, volumus, & declaramus, quod illarum transumptis, etiam impressis, manu Notarii publici subscriptis, & alicujus personae in dignitate Ecclesiastica constitutae sigillo munitis, eadem prorsus fides in iudicio, & extra ubique adhibeatur, quae eisdem praesentibus adhiberetur, si forent exhibitae, vel ostensa.

Dat. die 8. Aprilis 1606. An. I.

Datum Romae apud Sanctum Petrum, sub Annulo Piscatoris die 8. Aprilis 1606. Pont. nostri Anno I.

XXXIV.

Ex Regest. in Secret. Brevis

Concessio Ecclesiae Sancti Laurentii in Lucina de Urbe, cum suppressione Collegiae, Congregationi Clericorum Regularium Minorum nuncupatorum.

PAULUS EPISCOPUS,

SERVUS SERVORUM DEI

Ad perpetuam rei memoriam.

Proemium

IN Apostolicae dignitatis culmine, & potestatis plenitudine summa Redemptoris nostri benignitate, meritis licet impari-

bus constituti circa ea, quae ad Ecclesiarum quarumlibet, praesertim in Alma Urbe consistentium, & curam animarum habentium prosperiorem statum, & directionem, ac in eis divini cultus Religionis, & spiritualium operum, simulque Ministrorum idoneorum augmentum, necnon Christianissimum salutem, & profectum pertinere noscuntur, propensis studiis intendamus, ac in his pastoralis officii nostri partes etiam per suppressionis Beneficiorum ibidem erectorum, ministerium salubriter interponamus, prout Ecclesiarum earundem, ac personarum, & locorum qualitatibus debite pensatis, conspiciamus in Domino salubriter expedire.

Causa concedendi Ecclesiam S. Laurentii in Lucina Clericis Regularibus Minoribus.

§.1. Cum itaque, sicut accepimus, Ecclesia Sancti Laurentii in Lucina de dicta Urbe, quae titulus Presbyteri Cardinalis, ac etiam Parochialis existit, & in qua unus Archipresbyteratus Dignitas inibi principalis, cui cura animarum Parochianorum ipsius Ecclesiae imminet, necnon sex Canonici, & totidem Praebendae, ac tria Beneficia nuncupata perpetua simplicia Beneficia Ecclesiastica, quorum, dum vacant, collatio, & omnimoda dispositio ad pro tempore existentem tituli Sancti Laurentii hujusmodi Presbyterum Cardinalem, cessantibus reservationibus, & affectionibus Apostolicis, pertinet, instituta reperiuntur, Parochiam longe, lateque patentem, & diffusam, ac copiosa Parochianorum multitudine refertam habeat, & difficile sit, ut illius Archipresbyter pro tempore, quod licet duos Cappellanos ad ejus nutum amovibiles in parochialibus functionibus, & ministeriis sibi assistentes manuteneat, cura animarum tot Parochianorum hujusmodi exercitio, & Sacramentorum Ecclesiasticorum administrationi, aliisque parochialibus officiis, & ministeriis hujusmodi, ea, qua decet diligentia, & sollicitudine vacare, & ipsos Parochianos in Catholica Fidei articulis, & pie vivendi praecipis, nec non aliis, quae ad animarum salutem necessaria sunt, commode instruere valeat, & dilecti filii Religiosi Congregationis Clericorum, & Presbyterorum Regularium Minorum nuncupatorum ad hujusmodi exercitia, & ministeria obeunda valde idonei noscantur, & si in dicta Ecclesia introducerentur, aliaque infra scripta fierent, & ordinarentur, procul dubio, ipsi Religiosi dictorum Parochianorum, & aliorum Christianissimorum ad eandem Ecclesiam pro tempore confluentium Confessionibus audientibus, Sacramentis ministrandis, & verbi Dei concionibus habendis sedulo intenderent, ac eorum exemplari vita, & sana doctrina Parochianos, & alios Christianissimos praedictos, ad devotionem, pietatem, & Religionem excitarent, salubriterque dirigerent, & exinde dicta Ecclesia celebrior redderetur, ac cura animarum, aliaque officia Parochialia cum majori charitatis zelo exercerentur, & necdum divini cultus, ac bonorum operum, ac Instituti dictae Congregationis incremento, sed etiam Parochia-

Collegiata in
ca. Benefi-
ciorum sup-
prellis.

chianorum, & aliorum Christianorum pre-
dictorum profectui, & spirituali consolati-
oni, animarumque saluti per amplius con-
fuleretur.

§.2. Nos, qui dudum inter alia decre-
vimus, & declaravimus, Nostrae intentionis
fore, quod deinceps per quamcumque con-
cessionem, seu gratiam, vel literas Aposto-
licas, etiam si motu proprio, & ex certa
scientia emanarent, nulli jus sibi quomo-
dolibet tolleretur, predictis, & aliis ratio-
nabilibus causis adducti, ac Religiosos Con-
gregationis hujusmodi, eorumque singulos
a quibusvis excommunicationis, suspensio-
nis, & interdicti, aliisque Ecclesiasticis sen-
tentis, censuris, & poenis a jure, vel ab ho-
mine quavis occasione, vel causa latis, si
quibus quomodolibet innodati existunt, ad
effectum presentium dumtaxat consequen-
dum harum serie absolventes, & absolutos
fore censentes, necnon Ecclesie Sancti Lau-
rentii, ejusque Archipresbyteratus, Cano-
nicatum, Præbendarum, & Beneficiorum
hujusmodi fundaciones, & erectiones, ac
Domorum, prædiorum, possessionum,
censuum, & quorumcumque aliorum ho-
norum ad illa, eorumque mensam Capitu-
larem, seu massam communem quomodo-
libet spectantium, & pertinentium qualita-
tes, quantitates, denominationes, situa-
tiones, confines, & circumstantias, fru-
ctuumque, reddituum, & proventus,
veros etiam annuos valores, ac cætera om-
nia hic de necessitate, seu alias exprimen-
da, presentibus pro sufficienter expressis
habentes, motu simili, non ad dictorum
Religiosorum, vel alicujus pro eis Nobis
super hoc oblata petitionis instantiam, sed
ex mera deliberatione, & certa scientia no-
stris, ac de Apostolica potestatis plenitudine
Apostol. auctoritate tenore presentium
in dicta Ecclesia Archipresbyteratum, nec
non Canonicatum, & Præbendas, ac Benefi-
cia prædicta ex nunc, prout ex tunc, & e-
contra cum primum per cessum etiam ex
causa permutationis in Romani Pontificis,
seu dicti tituli Presbyteri Cardinalis pro
tempore existentis manibus, seu decessum,
aut privationem, vel quamvis aliam dimis-
sionem, seu amissionem illa ad præsens ob-
tinentium, vel alias quomodolibet, & ubi-
cumque etiam apud Sedem Apostolicam,
seu in Romana Curia, vel extra eam simul,
vel successive vacabunt, etiam si actu, præ-
missis, sive aliis quibusvis modis, & ex quo-
rumcumque personis vacent, etiam si tanto
tempore vacaverint, quod eorum collatio
juxta Lateranen. statuta Concilii ad Sedem
prædictam legitime devoluta, ac Archi-
presbyteratus, Canonicatus, Præbendæ, &
Beneficia hujusmodi dispositioni Apostoli-
cæ specialiter, vel ex eo, quod illa obti-
nentes Nostris, seu aliorum Romanorum
Pontificum Prædecessorum, vel Successo-
rum Nostrorum, aut alicujus Sanctæ Ro-
manæ Ecclesie Cardinalis etiam viventis,
& in dicta Curia presentis familiares conti-
nui commensales, seu dictæ Sedis Notarii,
Subdiaconi, Acolythy, Cappellani, aut

quicumque alij Sedis, & Curie prædicta-
rum Officiales quocumque nomine nuncu-
pati fuerint, seu ex quibusvis aliis causis ge-
neraliter reservata, seu ex generali reserva-
tione affecta existant, ac super eis inter ali-
quos lib. cujus statum, etiam presentibus
haberi volumus pro expresso, pendeat inde-
cisa, illorumque omnium, & singulorum
essentiam, & quantitates, ac mensam Capitu-
larem, seu massam communem hujusmo-
di, Cappellanas quoque, & alia Beneficia
eidem mensæ, seu massæ quomodolibet
unita, nec non titulum, & denominationem
Collegiata, ac quæcumque Insignia
Collegialia perpetuo supprimimus & extin-
guimus, illorumque sic suppressorum, &
extinctorum omnia, & singula prædia tam
rustica, quam Urbana, Casalia, Domus,
proprietates, terras, possessiones, census,
livellos, canones, montium non vacabili-
um portiones, & loca, & quæcumque
alia bona immobilia, & stabilia quomodo-
libet nuncupata, & ubilibet existentia cum
juribus, & pertinentiis suis universis, ex-
ceptis dumtaxat duabus Domibus eidem Ec-
clesie Sancti Laurentii a dextero illius late-
re adherentibus, & ad dictam mensam Capitu-
larem pertinentibus, quæ diversis perso-
nis etiam Laicis ad certum tempus sub
annuis, seu mensuris, vel aliis responsio-
nibus, seu pensionibus insimul ad summam
octuaginta scutorum similia, vel circa,
ascendentibus locata reperiantur, nec non
cameris, mansionibus, & habitationibus
supra porticum ipsius Ecclesie Sancti Lau-
rentii extractis, in quibus illius Sacrificia,
qui etiam amovibilis existit, ac dicti duo Cap-
pellani commorari solent, necnon infra-
scripto canone annuo nonaginta scutorum
Nostræ, & dictæ Sedis dispositioni, ad effe-
ctum ex illis nonnulla alia Beneficia Ec-
clesiastica erigendi, & dotandi, reservamus,
necnon apud ipsam Ecclesiam Sancti Lau-
rentii, & in duabus Domibus illi adhaeren-
tibus, ac cameris, & mansionibus, & ha-
bitationibus prædictis, unam Domum regu-
larem dictæ Congregationis per unum Præ-
positum ad instar aliarum Domorum Regu-
larium ejusdem Congregationis juxta illius
ritus, mores, consuetudines, & instituta
regendam, gubernandam, administran-
dam, & reformandam pro perpetuis usu,
& habitatione triginta ad minus Religioso-
rum Congregationis hujusmodi, computa-
to dicto Præposito, qui ibidem in humilita-
tis spiritu, & piæ vite studiis perpetuum,
Altissimo famulatum impendere, ac loco
Archipresbyteri, Canonicorum, & Bene-
ficiorum ipsius Ecclesie Sancti Laurentii,
Missas etiam Conventuales, Horas Cano-
nicas diurnas, & nocturnas, cæteraque di-
vina officia singulis diebus celebrare, & re-
citare, ac alias eidem Ecclesie Sancti Lau-
rentii in divinis laudabiliter deservire, nec
non curam animarum Parochianorum, alia-
que officia, & ministeria parochialia hujus-
modi per unum, vel plures ipsius Congre-
gationis Presbyteros idoneos per dictum
Præpositum pro tempore existentem depu-
tan-

Reservatisque
pro dd. Cle-
ricis non-
nullis Domi-
bus pro eorū
habitatione

Qui quidem
Clerici saltem
triginta esse
debeant.

Archipres-
byter, & Cano-
nici a residen-
cia liberantur
Præbendæque
ipsis ad eorū
vitam refer-
vantur.

Ecclesiæque
omniæque su-
pellestiliæ,
Domusque,
Præpositus
Clericisque
traduntur.

tandos, & amovendos, ac a dicta Urbis
Vicario etiam pro tempore existen. appro-
bandos exerceri facere, & quæcumque alia
onera, quibus ipsi Archipresbyter, Cano-
nici, & Beneficiati ratione Archipresbyte-
ratus, necnon Canonicatum, ac Præben-
darum, ac Beneficiorum prædictorum ex
illorum fundacionibus, seu fidelium dispo-
sitionibus, vel legatis, aut alias quomodo-
libet adstricti, & obligati existunt, subire,
& adimplere debeant, & cum primum ibi-
dem introducti fuerint dilecti filii moderni
Archipresbyter, Canonici, & Beneficiati
Ecclesie Sancti Laurentii hujusmodi, ab il-
lius servitio, ac residentia apud eam faci-
enda, necnon omnibus, & singulis functioni-
bus, officiis, exercitiis, oneribus, & obli-
gationibus prædictis tuta conscientia liberi,
& exempti censentur; Et nihilominus
quoad vixerint, seu donec ipsi ad alterius
sacri loci servitium cum hujusmodi, vel
aliis saltem equivalentibus redditibus an-
nuis per Nos, seu dictam Sedem traducti,
vel translati, aut alias adscripti fuerint.
Archipresbyter videlicet duas ex octo par-
tibus emolumentorum ratione exercitii cura-
re animarum hujusmodi provenientium,
sibi per eosdem Præpositum, & Religiosos
in fine cujuslibet mensis consignandas, &
tam ipse, quam singuli Canonici, & Bene-
ficiati nunc existentes prædicti omnia, & sin-
gula fructus, redditus, proventus, jura,
obventiones, & emolumenta ad Archipres-
byteratum, Canonicatum, Præbendas, Be-
neficia, & mensam Capitularem, seu mas-
sam communem hujusmodi tam conjun-
ctam, quam divisam spectantia, & pertinen-
tia pro sua cujusque rata parte, ut prius, per-
cipere, exigere, levare, ac in suos usus, &
utilitatem convertere libere, & licite va-
leant in omnibus, & per omnia, perinde ac
si apud dictam Ecclesiam Sancti Laurentii
personaliter residerent, nec non Missas,
Horas Canonicas, & alia divina Officia ibi-
dem celebrarent, & recitarent, illisque in-
teressent, & cætera onera prædicta respec-
tive subirent, & supportarent, etiam perpe-
tuo erigimus, & instituiamus, illique sic
erectæ, & institutæ;

§.3. Necnon Præposito, & Religiosis in
ea pro tempore degentibus usum dictæ
Ecclesie cum duabus Domibus illi adiacen-
tibus, ac cameris, mansionibus, & habita-
tionibus prædictis, necnon paramentis, or-
namentis, ac omni, & quæcumque sacra, &
prophana suppellectile, Sanctorumque Cor-
poribus, & aliis sacris Reliquiis quantum-
vis principalibus, & insignibus, cæterisque
rebus in Ecclesia Sancti Laurentii, & Sacri-
ficia prædictis existentibus eis sub inventario
consignandis, absque eo quod Archipres-
byter, Canonici, & Beneficiati prædicti
quidquam inde auferre, vel amovere pos-
sint, ex nunc, ita quod liceat Congregationi,
seu pro tempore existentibus Præposito, &
Religiosis prædictis illorum omnium cor-
poralem, realem, & actualem possessionem
per se, vel alium, seu alios eorum, ac
dictæ Domus regularis nominibus propria
Bull. Rom. Tom. V. Par. III.

auctoritate absque spoliis, & attentatorum
vitiis, ac dilecti filii nostri Evangelistæ ejus-
dem tituli Sancti Laurentii Presbyter Cardi-
nalis Cusentini nuncupati, ejusque in titulo
hujusmodi Successorum, seu pro tempore
existentis nostri in dicta Urbe, & illius di-
strictu Vicarii in spiritualibus generalis, aut
alterius cujuscumque Judicis mandato, de-
creto, vel ministerio libere apprehendere,
& perpetuo retinere, ac ibidem necnon fab-
ricæ ejusdem Ecclesie Sancti Laurentii fru-
ctus, redditus, proventus, jura, obventio-
nes, & emolumenta quæcumque etiam in
anniverfariis, mortuariis, funeralibus, sus-
fragiis, oblationibus, elemosynis, & qui-
buscumque aliis rebus, non tamen hæcenus
dictæ mensæ Capitulari, seu massæ commu-
ni incorporatis, quæ Capitulo, & Canoni-
cis prædictis libere remaneant, consentientia,
ac etiam ratione cura animarum, & admi-
nistracione Sacramentorum hujusmodi pro-
venientia percipere, exigere, levare, loca-
re, arrendare, administrare, atque in suos
communes, necnon Ecclesie Sancti Laurentii
fabricæ, & Sacrificie prædictarum usus,
utilitatem, & necessitates convertere, ti-
tulo tamen Sancti Laurentii hujusmodi, il-
liusque Palatio juribus, pertinentiis, hono-
ribus, & præterquam in personas Præpositi,
& Religiosorum Domus Regularis hujus-
modi, eorumque res, & bona jurisdictioni-
bus pro tempore existentibus ejusdem tituli
Presbytero Cardinali salvis, & illis remanentibus,
cum hoc, quod ipsi Præpositus,
& Religiosi tam paramentorum, ornamen-
torum, & aliorum suppellectilium eorum
videlicet, quæ propriis Capituli, Archipres-
byteri, & Canonicorum prædictorum, ac
sue mensæ Capitularis sumptibus, & impen-
sis facta fuisse constabit, quam duarum Do-
morum hujusmodi pretium in emptionem
tot Locorum Montium non vacabilium de
dicta Urbe, seu aliorum honorum stabili-
um pro dote, seu augmento dotis alio-
rum Beneficiorum, ut præfertur, erigendo-
rum unico contextu convertendum juxta
æstimationem desuper a peritis utrinque
eligendis faciendam, & seu arbitrio prædi-
cti Cardinalis titularis intra tempus eis ad
id præscribendum eidem Capitulo, Archi-
presbytero, & Canonicis persolvere, & in-
terim illis annuas, seu mensuras, aut alias
pensiones, seu responsiones per eos ex dictis
duabus Domibus percipi solitas temporibus
debitis præstare teneantur, similiter perpe-
tuo concedimus, & assignamus.

§.4. Ut autem suppressio, & extinctio
prædicta suum quantocius fortiantur effe-
ctum, statuimus, & ordinamus, quod Ar-
chipresbyteratum, & Canonicatum, & Præ-
bendas, nec non Beneficia hujusmodi ad
præsens obtinentes illa non nisi ad effectum
suppressionis, & extinctionis prædictarum
resignare, seu juri ipsis, ac eorum cuilibet
in illis, vel ad illa quomodolibet compe-
tenti cedere, ullatenus possint, & si eos ali-
ter quovis modo resignare, vel dimittere,
aut juri cedere contigerit, resignationes,
seu dimissiones, vel cessiones hujusmodi,
C c in

Salvis juribus
Card. Titu-
laris.

Canonicatus,
aliæque Bene-
ficia non resi-
gnanda, se-
conferenda,
juxta modum
infra recen-
sendam.